

世續藏經

一〇九

新平知
和慶
PDG

藏經書院版

卍
續藏經

第 109 冊

中國撰述

淨土宗著述部

新文豐出版公司 印行

已續藏經.——臺一版.——臺北市：新文豐，[民82
-]

冊；公分

ISBN 957-17-0665-5（一套：精裝）

——ISBN 957-17-1221-3（第一〇九冊：精裝）

1.藏經

221.08

82000521

所
有



版
權

印發
刷行
所及

新文豐出版

股份有限公司

發行人高
本

劍

編輯者藏
經書

院

新編
已續藏經

全一五二冊
第一〇九冊

精裝一冊基價一五·五五元正

中華民國八十四年二月台一版三刷

公司：臺北市雙園街九十六號
電話：三〇六〇七五七
門市部：臺北市羅斯福路一段二〇八號
電話：三五一五二九三
登記：郵政特准掛號認爲新聞紙類
郵政撥證：局版政三六四三信
傳真：三五六八〇七六·三〇二三八七〇

22090200（精：一套）

22090309（精：第一〇九冊）

南無本師釋迦牟尼佛



卍續藏經第一〇九冊目錄

新文豐出版公司影印卍續藏經會編印

中國撰述 淨土宗著述部

淨土生無生論註一卷	明正	寂註	0001
淨土生無生論親聞記二卷	明受	教記	0035
淨土生無生論會集一卷	清達	默集	0079
雲棲淨土彙語一卷	清嚴	虞執西 嚴培西 同錄	0130
淨土旨訣一卷	清道	霑撰	0173
淨土晨鐘十卷	清周	克復纂	0191
西歸直指四卷前附周安士居士傳及像贊	清周	夢顏彙集	0324
淨土警語一卷	清行	策著	0385
起一心精進念佛七期規式一卷	清行	策定	0404
淨土全書二卷	清俞	行敏重輯	0412
角虎集二卷附起念佛七儀式	清濟	能纂輯	0499

東海若解一卷	清實賢解	0579
省菴法師語錄二卷	清彭際清重訂	0589
重訂西方公據二卷	清彭際清集	0644
念佛警策二卷	清彭際清纂	0702
徹悟禪師語錄二卷	清了亮等集	0770
淨業知津一卷	清悟開述	0791
念佛百問一卷	清悟開著	0798
徑中徑又徑四卷	清張師誠著	0819
勸修淨土切要一卷	清真益願纂述	0911
淨土隨學二卷	清古崑編	0930
淨土必求一卷附淨宗十集	清古崑集	0983
淨土承恩集一卷	清芳慧編	0998

10477/109

淨土生無生論註序

生無生論者 有門大師與無緣慈借虛空舌爲往生居士之所說也如風鼓囊不日而成義立十門理融一念指滙示海生卽無生卽性明心佛非他佛眞可謂善明佛智者矣居士作序銓梓流通海內縞素莫不家傳戶習以爲往生左券焉慮科文異帙不便披尋頃因會次謬註數言聊資初學一往而視似乎虛尙多駢然所引悉經疏成言未嘗妄加已意倘不以蛇足見鄙未必不爲斯文之一助也

萬曆壬子秋七月僧自恣日浮石門人正寂和南序

淨土生無生論并科

幽溪沙門 傳燈 譔

浮石門人 正寂 註

△大科分二初題目次正文今初

題云淨土生無生論者天台智者大師凡釋經題皆立五重玄義所謂名體宗用教相是也今例釋之爲五謂理行單法爲名一眞法界爲體圓融妙

觀爲宗斷疑生信爲用無上醍醐爲教相初理行單法爲名者無生屬理生卽是行而言單法者以淨土等乃七種之一非譬非人非複非具故言單法也若約教等八法釋之者名雖具四義則俱含淨土屬果生卽屬行無生屬理論卽屬教此之四法若順論之卽所謂果由行成行依理發理藉教明返而言之亦可謂藉教顯理從理起行由行證果隨意釋之無不可者然而克果由因行憑智導智斷必俱位依行歷卽攝餘四八法具矣又無生約理而論言乎其體也生者從行得名言乎其宗也淨土從果受稱言乎其用也名則總上三章論卽屬乎教相五章備矣又無生本乎一性性本無生卽法身德也生則全性起修修還照性卽般若德也淨土則修性冥妙生卽無生卽解脫德也此之三法派之彌合卽之常分以法身言之生卽無生也淨土亦無生也以般若言之淨土生也無生而生也以解脫言之生亦淨土也無生亦淨土也其圓妙若此釋名竟二一眞法界爲體三圓融妙

觀爲宗四斷疑生信爲用者釋此三章有通有別通而言之此論十門俱名俱體卽宗卽用雖曰殊名理無二致所契爲體能契爲宗道前自行爲因果後化他成用入文自見未暇委明雖是歷別爲言亦乃初中後善今派十門以爲三分初四爲體中三爲宗後三爲用故云初中後善也體名一眞法界者非諸名一無妄曰眞法具三千界含百界以百界三千之法當體微妙寂絕故強目之曰一眞亦諸法實相之異名也卽實相是身土緣起故曰不變隨緣卽身土緣起是實相故云隨緣不變若心若土全體卽眞故云相卽若佛若生無非法界故云不二以初四門屬一眞法界爲體不亦宜乎宗名圓融妙觀者圓則千如炳見萬法齊彰融則剎剎交通應塵互入妙則絕思絕議離卽離非以法界爲念則念念彌陀圓斯圓矣以境觀相吞則心心極樂融斯融焉以三觀法爾則性德天然妙斯妙也以中三門屬圓融妙觀爲宗不亦宜乎用名斷疑生信者疑爲信障信乃道源信力未生

疑根不斷疑則疑乎厭此欣彼信則信乎卽土唯心言感應任運天性相關厭此欣彼之疑斷矣曰彼此恒一現未互在卽土唯心之信生焉信生則頓證乎生卽無生疑斷則直造乎斷無所斷以後三門屬斷疑生信爲用不亦宜乎五無上醍醐爲教相者此論唯明圓實具造俱時故得身土雙融果因一契所以屬味醍醐佛法之妙過此不知所裁故云無上也問凡判五味者乃大師約佛世以明論係人師所述去聖已遠那得強爲配合乎答雖不預佛世五時一家教觀皆約法華開會而談不屬醍醐那云圓實問論中證義多引楞嚴以方等教屬味醍醐不太相違耶答方等中圓不異一實但有開廢之殊今取圓義以證圓文亦無不可故以無上醍醐爲教相也問是則此土人師著述皆可以五重解釋耶答且如三千有門領乃宋陳了翁所說吾祖柏松大師尙得以五重解釋此論遠祖龍樹北齊近宗智者法智以五重釋之復何嫌焉

△次正文二初歸命述意三初稽首二寶三初兩
士佛寶

稽首能仁圓滿智 無量壽覺大導師

稽者遲也留也謂以首叩地遲留少時而起表至
敬也稽首二字冠下三寶能仁梵語具云釋迦牟
尼此云能仁寂默謂以仁慈化物也圓滿智者智
即覺義觀經疏云此是圓智圓覺諸法四明云非
三般若融即微妙智不名圓此歸敬此土佛寶也
梵語阿彌陀此云無量壽亦名無量光梵語佛陀
此云覺者具含三義云云大導師者法華疏云導
師有四所謂通途慈悲結緣權智實智此則四種
俱該故稱云大此歸敬彼土佛寶也亦乃互相影
略而言若具而言之釋迦亦可稱導師彌陀亦可
稱圓智蓋未有圓智而不能導人亦未有導師而
不具圓智也△次兩土法寶

所說安養大乘經 了義了義至圓頓

兩土化主皆爲能說經爲所說也安養即極樂之
異名大乘者乘有運載之義即文殊普賢馬鳴龍

樹大人之所乘也此土法寶則有清淨平等覺經
無量壽經觀無量壽佛經小彌陀經稱讚淨土經
鼓音王呪經等此皆偏贊西方者也彼土則依正
同宣主伴交讚鳬鴈鴛鴦迦陵命命恒演法音者
也了義者若四阿含所說人天因果真寂深義等
但明無常義皆不了若大乘所說博地凡夫即生
可辦故稱了義也重言者鄭重之辭猶言了義中
之了義也至圓頓者非化儀中頓乃以圓教爲頓
也△三兩土僧寶二初菩薩僧

妙得普賢觀自在 勢至清淨大海衆

梵語文殊師利此云妙德乃過去七佛之師釋迦
會中示菩薩形助揚聖化文殊發願經偈云願我
命終時除滅諸障礙云云普賢亦云徧吉梵語祕
輪颺陀在華嚴逝多末林末會發十大願普願法
界衆生同生極樂偈云願我臨欲命終時云云此
此土僧寶也梵語婆婁吉低輪此云觀世音過去
爲正法明如來今示迹爲菩薩言觀自在者以觀
慧照了自心清淨圓融無礙故云也梵語摩訶那

●末字點刺

鉢此云大勢至觀經云以智慧光普照一切令離三途得無上力故云大勢至也此二菩薩今在彼土助揚佛化四明云三聖設化動靜必俱一主二臣非並非別表乎三法三一妙融故須歸敬也清淨海衆者即彼土無生不退一生補處諸上善人等是也△次聲聞僧

馬鳴龍樹及天親

此土廬山蓮社祖

天台智者并法智

古往今來弘法師

馬鳴菩薩即西天第十二祖嘗著起信論發明繫念西方最爲切要龍樹菩薩西天第十四祖南天竺人於九旬內誦通三藏深入法忍造大悲方便論大莊嚴論大無畏論又著十住婆娑智度論等多讚西方勸人念佛有偈云若人願作佛心念阿彌陀即得爲現身故我歸命禮一家宗之爲始祖云天親菩薩北天竺人造唯識金剛般若等論仍著無量壽論有求生淨土偈及五門修法蓮社祖者蓮社祖有七初祖即晉慧遠法師俗賈氏鴈門人學通儒老年二十餘見道安法師因聽講般若

今表依通用

豁然開悟乃曰九流異議皆糠粃耳後入廬山刺史桓伊創東林居焉影不出山者三十餘年每送客以虎溪爲界時劉遺民雷次宗等一十八人衣師遊止拉一百二十三人爲蓮社六時禮誦精進不退十年三睹聖相後於般若臺定起見彌陀佛身滿虛空圓光之中有諸化佛觀音勢至侍立左右又見水流光明分十四支流注上下演說苦空佛告遠曰我以本願力故來安慰汝汝後七日當生我國後七日果終有雜文十卷號廬山集盛行于世事詳本傳文繁不錄此土念佛實始於遠故稱爲初祖焉二祖即長安善導導光明法師三祖南岳承遠般舟法師四祖長安法照五會法師五祖新定少康臺嚴法師六祖永明延壽智覺法師七祖昭慶省常圓淨法師又長蘆宗禪禪師則稱八祖也智者大師諱智顗華容人俗陳氏生時靈瑞不一七歲入果願寺聞誦法華普門品忽自憶記宛如宿習十五歲禮佛像誓志出家十八雉落二十進受具戒天嘉元年謁光州大蘇山慧思禪師

云嘗著十疑論勸人求生淨土後于劉東石城
彌勒像前令弟子唱十六觀經名誠衆曰四十八
願莊嚴淨土香臺寶樹易往無人火車相現一念
改悔者尙得往生況戒定熏修聖力道行終不唐
捐矣言訖跌坐而化事詳本傳法智大師諱知禮
字約言金姓四明人從寶雲通公傳天台教觀出
世承天繼住延慶戶外厯滿管行法華般舟三昧
期生安養後與十僧結社約修懺三載自焚其身
決取淨土楊文公億再四勸留始允其請著妙宗
鈔以釋觀經義疏人到于今咸受其賜古往今來
弘法師者古往即過去諸大耆宿等今即現在諸
大知識等來即當來紹繼宗風者凡有一句一偈
贊及西方者悉皆歸敬也△次歸命求加
我今歸命禮三寶 求乞冥加發神識
此出歸命之意言我之所以歸命者蓋欲藉三寶
威光冥熏加被開發我之神識而造此論也△三
述造論意
敬採經論祕密旨 闡揚淨土生無生

普使將來悟此門

斷疑生信階不退

敬者肅也恭也探者集也敬採經論祕密旨則義
有所憑顯非臆見也初一句述造論之由次三句
結論成之意即所謂開示悟入也闡明淨土生無
生即開示無生也普使將來悟此門即悟此無生
也斷疑生信階不退即證此無生也△次依義立
論二初總列十門

將造此論立爲十門 一眞法界門 二身土緣起門
三心土相即門 四生佛不二門 五法界爲念門 六境
觀相吞門 七三觀法爾門 八感應任運門 九彼此恒
一門十現未互在門

將造此論者大莊嚴論云造論凡有五義一者如
金成器令信解故二者如花開敷開示彼故三者
如食美膳得法味故四者如解文字令修習故五
者如開寶篋實證得故今亦具含五義採集羣經
以成一論即如金成器義也論立十門門詮衆妙
即如花開敷義也理明性具境會唯心即如食美
膳義也既悟圓修知土由心變即如解文字義也

性中極樂由修顯發卽如開寶篋義也

△次別釋十門二初二門明根源融具次八門明枝流妙卽初二門明根源融具二初一門明理性本具二初標

初一眞法界門

門者有能通出入之義如云有大陀羅尼門名爲圓覺流出一切清淨眞如等卽出義也如云歸元性無二方便有多門等卽入義也今一眞法界爲之所入門卽能入也問一眞法界屬理何有能所出入耶答觀經疏云理雖無名將門名理今卽門名理那得不然如十妙以不二當體爲門也問名爲能通理爲所通是則可爾以理爲門通至何所耶答止觀中有此問理無所通究竟徧通是妙門也以下諸門義皆倣此△次釋二初述偈立宗

一眞法性中具足十法界依正本融通生佛非殊致一眞法性者眞如法性也十種皆稱法界者智者大師云其意有三一者十數皆依法界法界外更無復有法能所合稱故言十法界也二者此十種

法分齊不同因果隔別凡聖有異故加之以界也三者此十皆卽法界攝一切法一切法趣地獄是趣不過當體卽理更無所依故名法界乃至佛法界亦復如是具足者言此十種法界無不畢具于一眞法性之中也依正本融通者依則十種國土不同正則十種五陰不同本融通者言非修爲造作而後融通也生佛非殊致者生者約九界迷爲言佛者約佛界悟而說生佛高下雖殊眞如性非二致故云非殊致也△次依宗釋義二初正釋二初詳釋勝義二初直指人心

論曰一眞法界卽衆生本有心性

此論以無生立題大槩以無生爲本致也言一眞法界者非惟指十萬億刹外之極樂爲言卽十方佛刹生佛依正皆在裡許華嚴藏海亦其相也衆生者九界皆名衆生若的而論之卽指人界爲言人以四大五陰衆法和合而成故名衆生卽者廣雅云合也四明云若依此釋仍似二物相合其理猶疎今以義求當體不二故名爲卽意指西方極

樂依正之法當體是吾人本有心性方契乎無生之旨也△次指心具德前云法界卽心猶未的示卽之所以今指此心具德卽義成也此自分二初列二義

此之心性具無量德受無量名

此者指法之辭德者名之實也吾心本具也名者實之賓也從德受稱也有無量德必召乎無量名義云受也△次釋二義二初釋具無量德二初徵德舉要

云何具無量德舉要言之謂性體性量性具

云何下徵起舉要下釋也既云無量難可畢陳姑舉其要者言之曰體曰量曰具而已一一皆云性者義有所歸也△次據德釋義三初正釋三德三德者名同義異指無量德中之三非謂法身般若若解脫也此自分二初次第釋義三初釋性體云何性體謂此心性雖四句絕百非體性堅凝清淨無染不生不滅常住無壞

四句者卽有無一異等是也言離四句者若言其

有成增益謗若言其無成損減謗若言變亦成相違謗若言雙非成戲論謗此之性體本非有無如大火聚四邊不可湊泊故云離也絕百非者以上四句爲本每句成四則成一十六句過現未皆有此十六句則成四十八句加已起未起成九十六搭上根本四句則成百句言非者一是百是一非百非四句既離百非絕矣體性堅凝等者此之性體水火刀劍所不能壞故云堅凝處五濁塵勞生死煩惱之中不爲其所汨濁故云清淨無染在聖凡而無所增損故云不生不滅亘古亘今而無所遷變故云常住無壞△次釋性量

云何性量此之心性豎窮三世橫徧十方世界有邊虛空無邊虛空有邊心性無邊現在有邊過未無邊過未有邊心性無邊無盡無盡無量無量

豎窮下二句言其深廣世界下舉況以明世界本無邊表者也以有漏微塵國皆依空所生言之世界有邊虛空無邊矣虛空本無際畔者也以空生大覺中如海一漚發言之虛空有邊心性無邊矣

現在無住本無分齊者也。以過去無始未來無終言之。現在有邊過未無邊矣。過去未來本無涯涘者也。以真如法性言之。過未有邊。心性無邊矣。既難以數量明。又不可以比況顯。祇可云無盡無盡無量無量。△三釋性具。

云何性具。謂此心性具十法界。謂佛法界菩薩法界緣覺法界聲聞法界天法界修羅法界人法界畜生法界餓鬼法界地獄法界。此是假名。復有正報諸佛五陰菩薩五陰。乃至地獄五陰。此是實法。復有依報。謂佛國土菩薩國土。乃至地獄國土。

性具者。言此十種法界。乃吾性中之所具也。故荊溪大師云。十方淨穢卷懷。同在於剎那一念色心。包列遍收於法界。並天真本具。非緣起新成是也。此特能詮假名而已。名必有實。惟十種行業所感。色等五陰。乃實法也。能依之。正報有十。故所依之國土。亦有十種之不同。言佛五陰者。雖無生死五陰。而有法性五陰。故亦名無上衆生。經云。因滅是色。獲得常色等。卽其徵也。△次融通其理。

令易解。故作三種分別。得意爲言。卽性具是性體。性量性體。離過絕非。卽性具十界。離過絕非。性體堅凝。清淨無染。不生不滅。常住不壞。性具十界亦然。性量豎窮橫徧。無盡無盡。無量無量。性具十界亦然。正報五陰同性體。性量清淨周徧。依報國土亦然。

令易下結前得意。下融理文有二節。先以體量融具。次以依報例同性體。融性具十界者。一家明具有理具三千有事造三千。今言性體離過絕非。卽性具十界。離過絕非者。猶言能具十界之性。非謂所具十界之法也。其次約量融具。亦爾。以依例正可知。△次指同三諦。

此之三法亦名三諦。性體卽眞諦。性量卽中諦。性具卽俗諦。

三法者卽體量具三法也。此之下總指性體下別指泯一切法。莫尙乎眞。今性體離過絕非。卽同於眞諦矣。立一切法。莫尙乎俗。今性具三千世間。卽同於俗諦矣。統一切法。莫尙乎中。今性量橫亘豎窮。卽同中諦矣。△三引楞嚴證二初引果德文果。

德者一境三諦之理乃如來果人所證故云果德
經云我以妙明不滅不生合如來藏云云卽其相
也此自分二初證性體眞諦

故楞嚴經云而如來藏妙明元心非心非空非地水火風非眼耳鼻舌身意非色聲香味觸法非眼界乃至非意識界非無明乃至非老死非無無明盡乃至非老死盡非苦集滅道非智非得非檀那乃至非般若若非恒答阿羯非阿羅訶非三藐三菩非常樂我淨此卽性體清淨是爲眞諦

圓融三諦語眞則纖塵必盡語俗則諸法皆成語中則二邊絕待非心至非意識界者非六凡界也非無明至非老死盡者非緣覺界也非苦集滅道至非智非得者非聲聞界也非檀那等者非菩薩界也非恒答阿羯等者非佛界也先非能證人三號是也次非所證法四德是也恒答阿羅訶云如來阿羅訶云應供三藐三菩云正偏知以藏理卽有而無故十界俱寂既十界俱非可以證性體眞諦矣△次證性具俗諦

而如來藏元明心妙卽心卽空卽地水火風卽六凡卽二乘乃至卽如來常樂我淨此卽性具十界是爲俗諦

以藏理卽無而有故十界宛然既十界俱卽可以證性具俗諦矣△三證性量中諦而如來藏妙明心元離卽離非是卽非卽此卽性量是爲中諦

雙遮眞俗故云離卽離非雙照眞俗故云是卽非卽以藏理遮照同時故十界融妙既遮照雙融可以證性量中諦矣長水亦曰初本妙元心約非相以明眞諦次元明心妙約卽相以明俗諦次妙明心元約遮照以明中道諦論主曰三諦俱各有主約心故空故眞諦以心字爲主約妙故俗故俗諦以妙字爲主約元故中故中諦以元字爲主也△次引因性文因性者以地等七大之性皆因心本具故云因性此自分二初證性中三德又云如來藏性色眞空性空眞色清淨本然用偏法界地水火風空見識莫不如是地水火風空見識卽

性具也清淨本然即性體也周徧法界即性量也

又云下單引地大之文以立三德仍以六大例同故云莫不如是次地水火風下別配三德△次證具即三德言具即者地等七大屬具以其當體清淨周徧故云具即三德也

又云地水火風空清淨本然周徧法界即依報國土性體性量也見識清淨本然周徧法界即正報五陰性體性量也

又地水下約依報以明體量見識下約正報以明體量地水等性具也清淨本然性體也周徧法界性量也△次釋受無量名二初徵名舉要

云何受無量名舉要言之此之心性或名空如來藏或名眞如佛性或名菴摩羅識或名大圓鏡智或名菩提涅槃

或者不定之辭名既無量今但立楞嚴果位七名者舉要言之也古德云一法不立煩惱蕩盡曰空如來藏不妄不變曰眞如離過絕非曰佛性分別一切而無染著曰菴摩羅識洞照萬法而無分別

曰大圓鏡智諸佛所得曰菩提寂靜常樂曰涅槃今云心性受無量名者空如來藏者藏性也眞如者本性也佛性者覺性也菴摩羅識者識性也大圓鏡智者智性也菩提者果性也涅槃者果果性也豈非性之別名乎△次融通名德名德者空如來藏等名也體量德也

性體性量名空如來藏即性具十界五陰國土名空如來藏性體性量名眞如佛性即性具等名眞如佛性性體性量名菴摩羅識即性具等名菴摩羅識性體性量名大圓鏡智即性具等名大圓鏡智性體性量名菩提涅槃即性具等名菩提涅槃

性體下以德融名意謂若體量二德受空藏之名即性具三千世間亦名空藏矣餘皆倣此△次結成宗偈

故曰一眞法性中具足十法界依正本融通生佛非殊致

△次料簡二初難初後俱墮

問曰此一眞法界爲初心是爲後心是若初心是應

無七名若後心是應無九界初後俱墮立義不成

此一眞下問若初心下難初心者名字位人也後心者究竟果人也問意謂名字位人發心修觀三惑二死全在安有果地七種名目乎究竟位人既轉煩惱而成善提轉生死而成涅槃尙何有於九界乎此以偏難圓也初後下結難△次釋初後俱善二初釋二初據難立義

答曰此正顯初心是以初心是故方有後心是以後心是故方顯初心是

此正顯者圓頓行人初心便知性具別人教道惟詮但中佛性須破九界方顯佛界是有此疑故今答之此正顯初心是也以初是故等者如云阿鼻依正全據極聖之自心毗盧身土不逾下凡之當念是則因該果海果徹因源因心已具七名果位豈虧九界所謂生佛同源聖凡一致不其然乎△次依義釋難二初立義

云何以初心是方有後心是如果地依正融通色心不二垂形九界方便度生悉由證此因心所具

果地依正等者文有五句初二句明體次二句明用末一句結歸初心本具言果人能全體起乎無方大用以應羣機者悉由證此因心所具也△次引證二初泛引

故曰諸佛果地融通但證衆生理本故得稱性施設無謀而應若不然者何異小乘外道作意神通

故曰下文引文證故得下出其功能若不下反顯釋成稱性施設無謀而應如身土不二門云皆由緣了與性一合方能稱性施設萬端則不起自性化無方所是也小乘外道作意神通者小乘如目連擊五百釋種以至梵天之類外道如停河在耳變釋爲羊之類△次的引

故法智大師云六卽之義不專在佛一切假實三乘人天下至蜎蜎地獄色心皆須六卽辯其初後所謂理蜎蜎名字乃至究竟蜎蜎以論十界皆理性故無非法界一不可改故名字去不唯顯佛九亦同彰至於果成十皆究竟

六卽之義不專在佛者旣曰不專則該九界缺修